

太上洞玄靈寶福日妙經

天尊言善男子善女人欲得過去見在未來三世之中不墮眾難者至心受持此經及諸福日修善建功見身安樂命過飛天天尊言正月三月五月七月九月十一月此長齋月能畢是月修齋者見身仙度舉家康泰七祖無爲

天尊言正月七日天曹遷賞會七月七日地府度生會十月五日水府建生會是三會吉日能於此日長齋者萬劫家門不遭瘟氣

天尊言正月十五日七月十五日十月十五日是三元齋日能於此日長齋者延壽益算不見眾苦

道藏輯要

福日妙經

三
房集五

天尊言正月一日天臘五月五日地臘七月七日道德臘十月一日民歲臘十二月遇臘王侯臘每月一日十五日甲子本命庚申日有人能於此日長齋誦詠經文無願不會

天尊言每月一日八日十四日十五日十八日二十三日二十四日二十八日二十九日三十日是十直之日長齋者生死受福萬劫安樂

天尊言立春春分立夏夏至立秋秋分立冬冬至是八節齋日行道持戒長齋誦經居門欣慶七祖歡樂

天尊言能於福日長齋萬劫無殃見世安樂若復有人自能書寫此經十卷除罪萬劫百卷魔王護念千卷飛行眾邪魍魎五

部瘟疫不過門戶當境善神常來利益前劫今劫罪皆除滅能
爲善人書寫受持者福報無窮若復有人臨難鬪爭虎狼毒蟲
怨結惡人征戰生產及是風波盜賊諸所疾病卽欲壽終誦詠
是經上聖飛仙馳來救度一時解脫無願不會此經是至極真
人受持之本得道之宗若見斯經受持誦詠無不仙度不見是
經無由得道於是眾等聞是說已稽首禮謝
天尊信受奉行

道藏輯要

福日妙經

卷

一

房集五